

ԲՈԼՇԵՎԻԿՅԱՆ ՊԱՐՏԻԱՆ Վ. Ի. ԼԵՆԻՆԻ ԳԼԽԱՎՈՐՈՒԹՅԱՄԲ
ՔԱՂԱՔԱՑԻԱԿԱՆ ԿՌԻՎՆԵՐՈՒՄ ՏԱՐԱԾ
ՀԱՂԹԱՆԱԿՆԵՐԻ ԿԱԶՄԱԿԵՐՊԻՋ

Զ. Տ. ԳՐԻԳՈՐՅԱՆ

Հոկտեմբերյան սոցիալիստական Մեծ ուղեւորության հաղթանակով մեր երկրում վերացվեց շահագործող դասակարգերի տնտեսական ու քաղաքական տիրապետությունը, իսկ օտարերկրյա իմպերիալիստները կորցրին Ռուսաստանում ներդրած իրենց մեծաքանակ կապիտալը, ղրկվեցին Ռուսաստանից որպես հումքի հարուստ աղբյուրի և շահավետ շուկայի:

ԱՄՆ-ի, Անգլիայի, Ֆրանսիայի, Գերմանիայի, Ճապոնիայի և մյուս երկրների իմպերիալիստները սարսափում էին Հոկտեմբերյան ուղեւորության քաղաքական ազդեցությունից, նրանք վախենում էին «...չինի թե մեր հրդեհի կայծերը թռչեն նրանց տանիքները»¹: Ահա թե ինչու Հոկտեմբերյան ուղեւորության հաղթանակից անմիջապես հետո ներքին հակաուղեւորության և համաշխարհային իմպերիալիզմի բոլոր ուժերը սկսեցին համատեղ արշավանք երիտասարդ Սովետական իշխանության դեմ:

1918 թվականի գարնանը գերմանական կայսերական բանակները օկուպացրին Ֆինլանդիան, Մերձբալթյան երկրները, Բելոռուսիան, գրավեցին Դոնի-Ռոստովը և շարժվեցին դեպի Ռուսաստանի հարավը: Նրանք օգնեցին ատաման Կրասնովին՝ Սովետական իշխանության դեմ պայքարի համար ձեւավորելու հակաուղեւորություն բանակ, և այն շարժեցին Ցարիցինի վրա: Գերմանիայի ռազմական պարտությունից հետո, Ռուսաստանի հարավում ամրացան Անտանտի ուժերը, մասնավորապես ֆրանսիական ինտերվենտները: 1918 թվականի գարնանը անգլո-ֆրանսիական-ամերիկյան դեսանտային զորամասերը դուրս եկան Ռուսաստանի հյուսիսային շրջանները և սպիտակգլարդիական ուժերից ստեղծեցին ալսպես կոչված «Ռուսաստանի Հյուսիսի կառավարություն»: 1918 թվականի ապրիլին ճապոնական, իսկ մի քիչ ավելի ուշ անգլիական դեսանտային զորամասերը ամի իջան Վլադիվոստոկում: Սիչին Վոլգայի շրջանում և Արևելյան Սիբիրում 1918 թվականի մայիսի վերջերին Անտանտի իմպերիալիստները կազմակերպեցին Չեխոսլովակյան կորպուսի խռովությունը և անմիջական սպառնալիք ստեղծեցին Մոսկվայի համար:

Սպիտակգլարդիական գեներալներ Կոռնիլովը, Ալեքսեևը և Դենիկինը, օտարերկրյա իմպերիալիստների աջակցությամբ, Հյուսիսային Կովկասում

¹ Վ. Ի. Լենին, Երկեր, հ. 26, էջ 631:

ստեղծեցին հակառեւոլյուցիոն «կամավորական բանակը» և Հյուսիսային Կովկասը կտրեցին Սովետական Ռուսաստանից: Դոնի շրջանը ղավթեցին ցարական զենեքալներ Կրասնովի և Մամոնտովի բանդաները: Վոլգայի շրջանում ստեղծվեց Սամարայի հակառեւոլյուցիոն էսեռական կառավարությունը, իսկ Արևելյան Սիրիերում՝ Օմսկի կառավարությունը. 1918 թվականի նոյեմբերի 17—18-ին այնտեղ կատարվեց պետական հեղաշրջում և հաստատվեց Անտանտի դրածո ցարական ծովակալ Կոլչակի ռազմական դիկտատուրան: Հյուսիսարևմուտքում Պետրոգրադին սպառնում էին գեներալ Յուդենիչի և Ռոձենկոյի բանակները, որոնց օգնում էին սպիտակ ֆինները: Միջին Ասիայում անգլիական զինված ուժերը գրավեցին Թուրքեստանի որոշ շրջաններ: Օգտվելով Սովետական Ռուսաստանի ծանր վիճակից, թուրքական-սովթանական բանակները, կայզերական Գերմանիայի աջակցությամբ, 1918 թվականի ապրիլին ներխուժեցին Անդրկովկաս: Նրանք գրավեցին Բաթումը և Կարսը, իսկ մայիսին՝ Ալեքսանդրոպոլը և շարժվեցին դեպի Բաքու, որտեղ դեռ 1918 թվականի ապրիլի 1-ին հաստատվել էին սովետական կարգեր, հանձին Բաքվի փառապանծ Կոմունայի: Շուտով Բաքու են ներխուժում անգլիական ինտերվենտները: Ներքին հակառեւոլյուցիայի և օտարերկրյա իմպերիալիստների միասնական ուժերի հարվածների տակ 1918 թվականի հուլիսի 31-ին ընկավ Բաքվի Կոմունան:

1918 թվականի նոյեմբերին թուրքական զորքերը նահանջեցին Անդրկովկասից և նրանց փոխարինելու եկան ահգլո-ամերիկյան ու ֆրանսիական օկուպանտները: Անդրկովկասը արևմտյան իմպերիալիստների և ներքին հակառեւոլյուցիոն ուժերի համար դարձավ ռազմական պլացդարմ Սովետական Ռուսաստանի դեմ պայքարելու համար: Դաշնակները, մենշևիկները և մուսավաթականները՝ արևմտյան իմպերիալիստների հետ դաշնակցած, ակտիվ պայքարի էին դուրս եկել Սովետական Ռուսաստանի դեմ: Ստ. Շահումյանը, Ռեբրակոնով Անդրկովկասի բուրժուա-նացիոնալիստական, հակառեւոլյուցիոն ուժերի հակասովետական դործունեությունը, գրել է՝ «Անդրկովկասյան իշխանությունն իր քաղաքականությամբ ոչ միայն անուղղակիորեն, այլև ուղղակի աջակցություն է ցույց տալիս Կալեդինին և բառացի իմաստով դավաճել խռում ռեւոլյուցիայի թիկունքը»¹:

Անդլո-ամերիկյան և ֆրանսիական իմպերիալիստների կողմից Անդրկովկասի օկուպացմամբ ավարտվեց Սովետական Ռուսաստանը լիակատար շրջապատելու նրանց պլանը: Այսպես սկսվեցին մեր երկրում ծանր, երկարատև և արյունալի ռազմական ինտերվենցիան և քաղաքացիական կոռվները:

Աշխարհում առաջին սոցիալիստական երկրի և նրա ժողովուրդների համար ստեղծված այսպիսի ծանր ու դժլարին պայմաններում էր, որ Կոմունիստական պարտիան, Վ. Ի. Լենինի գլխավորությամբ, մոբիլիզացրեց սովետական ժողովրդի և նրա նորաստեղծ Կարմիր Բանակի ուժերը թշնամու դեմ: Սովետական ժողովուրդը ռեւոլյուցիոն անձնուրացությամբ և մեծագույն սրիորագործություններով մինչև հաղթական վախճանը տարավ քաղաքացիական կռիվը, որը և ավարտվեց ներքին հակառեւոլյուցիոն և օտարերկրյա ինտերվենցիոն բանակների լիակատար ջախջախմամբ:

¹ Ստ. Շահումյան, Հոգվածներ և ճառեր, Երևան, 1953, էջ 277 (ընդգծումը մերն է—Զ. Գ.):



Քաղաքացիական կոմիտեների և օտարերկրյա ինտերվենցիայի տարիներին ներքին ու արտաքին հակառակույցի ուժերի ջախջախման վճռական դերը պատկանում է երիտասարդ Կարմիր Բանակին, որը ստեղծվեց Վ. Ի. Լենինի գլխավորությամբ, Կոմունիստական պարտիայի կողմից:

Կարմիր Բանակի ստեղծման ճանապարհին կանգնած էին շատ դժվարություններ: Նախ և առաջ չկար սոցիալիստական պետության նոր տիպի ռևոլյուցիոն բանակի փորձ, ավելին. մինչև Վ. Ի. Լենինն այդ հարցը նույնիսկ տեսականորեն չէր դրվել ու մշակվել: Այդ մասին պարտիայի VIII համագումարում Կենտրոնական Կոմիտեի հաշվետու ղեկուցման մեջ Վ. Ի. Լենինը շատ որոշակիորեն ասում է՝ «Կարմիր Բանակի կառուցման հարցը միանգամայն նոր հարց էր, այդ հարցը բոլորովին չէր դրվել անգամ տեսականորեն»¹:

Հայտնի է, որ իր ժամանակին Կ. Մարքսը և Ֆ. Էնգելսը, ելնելով կապիտալիզմի՝ միջինդարձակալիստական էպոխայի հատկանիշներից, հնարավոր էին համարում միաժամանակ կամ զրեթե միաժամանակ սոցիալիզմի հաղթանակը բոլոր քաղաքակրթված երկրներում կամ դրանց մեծամասնությունում: Այդպիսի պայմաններում նրանք գտնում էին, որ անհրաժեշտ չի լինի ունենալ մշտական կանոնավոր բանակ, նրան կփոխարինեն ժողովրդական միլիցիան, ժողովրդի ընդհանուր զինումը: Այս դրույթն իր որոշակի արահայտությունը գտավ նաև մեր պարտիայի առաջին ծրագրում:

Կարմիր Բանակի կազմակերպման դժվարությունները կապված էին նաև մի շարք այլ համագամանքների և մասնավորապես այն բանի հետ, որ ժողովուրդը հոգնել էր հարատև իմպերիալիստական պատերազմից, իսկ երկիրը՝ րաջքայվել տնտեսապես:

Ձևայած ալը դժվարություններին, Կարմիր Բանակի կազմակերպման հարցը մեծ հաջողությամբ լուծվեց և՛ տեսականորեն և՛ կազմակերպչորեն: Վ. Ի. Լենինը հանձարեղ կերպով ցույց տվեց, որ իմպերիալիստական պետությունների շրջապատման պայմաններում իմպերիալիստական ագրեսիային դիմադրելու և սոցիալիստական ռևոլյուցիայի հաղթանակն ապահովելու համար Կարմիր Բանակի ստեղծումը սոցիալիստական պետության համար կենսական անհրաժեշտություն է: «Նոր հասարակական դասակարգը, — գրում է Վ. Ի. Լենինը, — դեպի տիրապետություն քարձրանալիս, երբեք չէր կարող և այժմ էլ չի կարող հասնել այդ տիրապետությանն ու ամրապնդել այն այլ կերպ... եթե ոչ աստիճանաբար, քաղաքացիական ծանր պատերազմի մեջ մշակելով նոր բանակ, նոր կարգապահություն, նոր դասակարգի նոր ուղեմական կազմակերպություն»²:

1918 թվականի հունվարի 3 (16)-ին Համառուսաստանյան Կենտրոնական Գործադիր Կոմիտեն հաստատեց Վ. Ի. Լենինի գրած «Աշխատավոր ու շահագործվող ժողովրդի իրավունքների ղեկավարացիան», որով և ղեկընտարվեց Կարմիր Բանակի ստեղծման անհրաժեշտությունը:

Հզոր Կարմիր Բանակի ստեղծման անհրաժեշտությունն այդ էտապում Վ. Ի. Լենինը կապում էր նաև այն բանի հետ, որ Սովետական երիտասարդ

¹ Վ. Ի. Լենին, Երկեր, Դ. 29, էջ 172:

² Վ. Ի. Լենին, Երկեր, Դ. 28, էջ 360:

ռեսպուբլիկայի ղեկավարները մեծաքանակ ու միջին ատամները ղինված բանակներով գոյություն ունեցող իմպերիալիստական պետությունները: «Մինչև այժմ,— գրել է Լենինը,— մեր առաջ կանգնած էին չնչին, արգահատելի, խղճուկ թըշնամիներ (համաշխարհային իմպերիալիզմի տեսակետից)՝ ինչ-որ ապուշ Ռոմանով, պարծենկոտ Կելենսկի, չունկերների և բուրժուազիկների բանդաներ: Այժմ մեր ղեկավարող կուլտուրական, տեխնիկական առաջնակարգ ձևով սարքավորված, կազմակերպորեն հիմնադրված կարգի բերված համաշխարհային իմպերիալիզմի հսկան: Նրա ղեկավար է կոմիտե: Նրա ղեկավար է կարգադրող նախկինը»¹:

Հոկտեմբերյան սոցիալիստական Մեծ ռեվոլյուցիայի հաղթանակի երկրորդ օրը՝ հոկտեմբերի 26-ին Ժողովրդական Կոմիսարների Սովետի կազմում քատեղծվեց «Ռազմական և ծովային դործերի կոմիտե», որը 1917 թվականի դեկտեմբերին վերանվանվեց «Ռազմական գործերի կոմիսարիատ»: 1918 թ. հունվարի 15 (28)-ին Ժողովրդական Կոմիսարների Սովետի նախագահ Վ. Ի. Լենինը ստորագրեց Կարմիր Բանակի կազմակերպման դեկրետը: 1918 թվականի փետրվարի 1 (14)-ին դեկրետ ընդունվեց բանվորա-գյուղացիական Կարմիր նավատորմի ստեղծման մասին: Հիմք դրվեց Զինվորական Կոմիսարների ինստիտուտին և բանակի քաղաքական օրգաններին, որոնք մեծ դեր խաղացին Կարմիր Բանակի կազմակերպման և նրա մարտիկների ու հրամանատարների ռազմա-քաղաքական դաստիարակության գործում:

Կարմիր Բանակի հետագա ամրապնդման դործում մեծագույն դեր խաղաց պարտիայի VIII համագումարը (1919 թ. մարտ): Քննարկելով ռազմական շինարարության ավելի քան մեկ տարվա արդյունքները, համագումարը ջախջախիչ հաջողված տվեց «ղինվորական օպոդիցիային», որը խանգարում էր ամուր, կարգապահ և հզոր կանոնավոր բանակի ստեղծմանը:

Վ. Ի. Լենինի առաջարկած նախագծով համագումարը ընդունեց քանաձև, որը պահանջեց բանակում անհապաղ վերջ տալ պարտիզանականության տարբերին, քաղաքական աշխատանքի նշանակության թերազնահատմանը, ստեղծել ամուր, մարտունակ, դասակարգային բարձր գիտակցության հասած կանոնավոր բանակ: Համագումարը ռազմական շինարարության հարցին տալով կարևոր նշանակություն՝ Լենինյան այդ սկզբունքը արտացոլեց նաև մեր պարտիայի նոր ծրագրում, որը և դարձավ Սովետական պետության և Կոմունիստական պարտիայի ռազմական քաղաքականության հիմքը:

Կոմունիստական պարտիան Վ. Ի. Լենինի գլխավորությամբ մեծ դեր խաղաց Կարմիր Բանակի հրամանատարական կազմերի պատրաստման ու առաջադման գործում: Վ. Ի. Լենինը մեծագույն նշանակություն տալով Կարմիր Բանակի համար նոր տիպի հրամանատարական կազմերի պատրաստման գործին, 1918 թվականի նոյեմբերի 24-ին «Կարմիր սպայի օրը» արտասանած ճառում ասում է՝ «...հին հրամանատարական կազմը բաղկացած էր առավելապես կապիտալիստների երես տված և ալլասերված ղավակներից, որոնք ոչ մի ընդհանուր բան չունեին հասարակ ղինվորի հետ: Դրա համար էլ այժմ, նոր բանակ կառուցելիս, մենք պետք է հրամանատարներ վերցնենք միայն ժողովրդից: Միայն կարմիր սպաները ղինվորների մեջ հեղինակություն կունենան ու կկարողանան մեր բանակի մեջ սոցիալիզմն ամրապնդել: Այդ-

¹ Վ. Ի. Լենին, Երկեր, հ. 27, էջ 57:

պիսի բանական անպարտելի կլինի»¹։ Ղեկավարվելով Վ. Ի. Լենինի այս դրույթով, պարտիան ժողովրդից առաջ քաշեց և դաստիարակեց Կարմիր Բանակի նոր տիպի աջնապիսի տաղանդավոր զորավարներ ու քաղաշխատողներ, ինչպիսիք էին՝ Մ. Ֆրունզեն, Կ. Վորոշիլովը, Ս. Բուդյոնին, Ա. Եգորովը, Վ. Բլյուխերը, Մ. Տոփսաչևսկին, Ա. Մյասնիկյանը, Ի. Ապանասենկոն, Օ. Գորոդովիկովը, Գայր (Հայկ Բժշկյան), Վ. Կիկվիձեն, Ա. Բուբնովը, Գ. Կոտովսկին, Ե. Կովտյովսը, Յա. Գամառնիկը, Ա. Պարխոմենկոն, Ի. Ուբորովիչը, Ս. Տիմոշենկոն, Յա. Ֆաբրիցիուսը, Ի. Ունշլիխտը, Վ. Չապաևը, Ն. Շչորսը, Ս. Լազոն, Ի. Յակիրը, Դ. Ֆուրմանովը, Ի. Ֆեդկոն, Պ. Պոստիշևը, Վ. Անտոնով-Օվսենկոն, Ս. Գուսևը, Լ. Մելիխսը, Ս. Վոստրեցովը, Վ. Ազինը, Պ. Գրեենկոն, Դ. Ժուրը, Գ. Էլիսեն և ուրիշներ։

Բուլշևիկների պարտիան Կարմիր Բանակի հետ միասին ստեղծեց նաև սովետական առաջավոր ռազմական արվեստը, որի հիմունքների մշակման ու գիտական հիմնավորման գործում նույնպես մեծ են Վ. Ի. Լենինի մատուցած ծառայությունները։ Վ. Ի. Լենինը ռազմական արվեստի ուսումնասիրման հարցերով զբաղվել է սկսած իր ռևոլյուցիոն գործունեության վաղ շրջանից²։ Վ. Ի. Լենինը, ուսումնասիրելով ռազմական արվեստի մասին անցյալի գրական ժառանգությունը, անցյալ ռևոլյուցիոնների, ապստամբությունների ու պատերազմների պատմությունը, ռազմական արվեստի հարցերին անդրադարձել է իր մի շարք աշխատություններում։ Վ. Ի. Լենինը ինչպես իր այդ աշխատություններում, նույնպես և բազմաթիվ հոդվածներում, նամակներում, ղեկուցումներում ու ելույթներում զարգացրեց ու առաջ մղեց մարքսիստական տեսությունը ղինված ապստամբության, բանակի ու պատերազմների մասին։

Մ. Կալինինը իր «Լենինը Սոցիալիստական Հայրենիքի պաշտպանության մասին» հոդվածում անդրադառնալով Վ. Ի. Լենինի ռազմատեսական հարուստ ժառանգությանը, յարձր է գնահատել այն։ Նա Լենինին համարում է ռազմական արվեստի, ստրատեգիայի և տակտիկայի խորը գիտակ³։

Վ. Ի. Լենինի ուսմունքը պրոլետարիատի ռևոլյուցիոն տակտիկայի մասին կարևոր նշանակություն ունեցավ Կարմիր Բանակի ակտիվ հարձակողական ստրատեգիայի մշակման գործում։ Դեռևս 1905 թվականին իր «Ժամանակավոր ռևոլյուցիոն կառավարության մասին» հոդվածում Վ. Ի. Լենինը գրել է՝ «Պրոլետարիատի պարտիայի առջև ամեն մի «լուրջ ռևոլյուցիոն կացություն» դնում է ապստամբությունը գիտակցորեն անցկացնելու, ռևոլյուցիան կազմակերպելու, իրոր ռևոլյուցիոն ուժերը կենտրոնացնելու, համարձակ ռազմական հարձակման, ռևոլյուցիոն իշխանության ամենաեռանդուն օգտագործման խնդիրը»⁴։ Դարձյալ այդ շրջանում գրած իր «Մոսկվայի ապստամբության դասերը» հոդվածում Վ. Ի. Լենինը շատ որոշակիորեն ցույց է տալիս, որ ցարիզմի դեմ ապստամբած պրոլետարիատի հաղթանակի կարևոր պայմաններից մեկը հարձակողական ստրատեգիան է։ 1917 թվականին, երբ ռուսական պրոլետարիատը վճռական գործի էր նախապատրաստվում իշխանության նվաճման համար, Վ. Ի. Լենինը պարտիայից պահանջում էր անշեղորեն իրագործել Կ. Մարքսի այն դրույթը, թե ապստամբություն սկսելու

¹ Վ. Ի. Լենին, Երկեր, հ. 28, էջ 238—239։

² Տե՛ս Н. Крупская, Воспоминания о Ленине, 1932, էջ 87։

³ Տե՛ս «Большевик», 1943, № 2, էջ 30։

⁴ Վ. Ի. Լենին, Երկեր, հ. 8, էջ 614։

ղեկավարում «...պետք է գործել ամենամեծ վեճակներում և անպատճառ, անպայման անցնել հաճախման: «Պաշտպանվելը ղինված ապստամբության մասն է»»¹: Վ. Ի. Լենինը քաղաքացիական կռիվների տարիներին Կարմիր Բանակի հրամանատարությունից պահանջում էր ռազմաճակատներում միշտ բարձր պահել բանակի հարձակողական թափը: Վ. Ի. Լենինի առաջադրած ակտիվ հարձակողական ստրատեգիան դարձավ սովետական ռազմական գիտության անկյունաքարը:

Լենինյան խորաթափանց դրույթները խոշոր դեր խաղացին նաև Կարմիր Բանակի տակտիկական սկզբունքների մշակման գործում: Վ. Ի. Լենինը համաձայնեց ռուսումնասիրելով իմպերիալիզմի ժամանակաշրջանի պատերազմների փորձը, ցույց տվեց, որ դրանք մեթոդների պատերազմներ են: Ուստի նա վճռականորեն դուրս եկավ անցյալի, հին պատերազմներին համապատասխանող քարացած ու շարունակական տակտիկայի դեմ: Վ. Ի. Լենինը ցույց տվեց, որ ժամանակակից պատերազմներում մեծ չափերով օգտագործվող ռազմական նոր տեխնիկական պահանջում է նոր տակտիկա, հետևապես և բանակի նոր կազմակերպական ձև և նոր մարտակարգ:

Այս տեսակետից ուշագրավ է այն փաստը, որ Վ. Ի. Լենինը 1919 թվականին՝ քաղաքացիական կռիվների ամենավճռական պահին, երբ թշնամին Կարմիր Բանակի դեմ լայնորեն օգտագործում էր իր հեծելազորը, Կարմիր Բանակի հրամանատարությունից պահանջեց փոխել մեր լրանակի տակտիկան: 1919 թվականի սեպտեմբերի 4-ին ռեպուրիկայի Ռազմա-ոսույցիոն խորհրդից Վ. Ի. Լենինը պահանջեց տեսականորեն մշակել և պրակտիկայում թշնամու հեծելազորի դեմ կռվելու համար իրագործել մեծ չափերով ավիացիայի օգտագործման հարցը²:

Վ. Ի. Լենինը իր ռազմական տեսության մեջ առանձնահատուկ նշանակություն էր տալիս թիկունքի, ախինքի՝ ժողովրդական մասսաների դերին և նրանց վերաբերմունքին դեպի պատերազմը: «Լճալես հաբկն է պատերազմ մղելու համար անհրաժեշտ է կազմակերպված ամուր թիկունք»,— գրել է Վ. Ի. Լենինը³: Հետագայում ավելի խորացնելով ու զարգացնելով իր այս միտքը, նա գրել է՝ «Պատերազմում հաղթում է նա, ով ավելի շատ ռեզերվներ, ավելի շատ ուժի աղբյուրներ, ավելի շատ դիմացկունություն ունի ժողովրդական զանգվածում»⁴: Թիկունքի ամրության և թշնամուն հաղթելու գործում Լենինը վճռական նշանակություն էր տալիս բանվոր դասակարգի և գյուղացիության դաշինքին, մեր երկրի բուլմազգ ժողովուրդների հաստատ բարեկամությունը:

Վ. Ի. Լենինի ստեղծած հարուստ ռազմական ժառանգությունը դարձավ սովետական առաջավոր ռազմական արվեստի գիտական հիմքը:

Այսպիսով, Կարմիր Բանակը Հոկտեմբերյան ռևոլյուցիայի ծնունդն է: Նա իր ստեղծմամբ ու ամրապնդմամբ ամրոցում էր կապված է պարտիայի ու նրա առաջնորդ Լենինի անվան ու պրակտիկ գործունեության հետ:

¹ Վ. Ի. Լենին, Երկեր, հ. 26, էջ 211:

² Տե՛ս «Военная переписка В. И. Ленина», 1943, էջ 90:

³ Վ. Ի. Լենին, Երկեր, հ. 27, էջ 72:

⁴ Վ. Ի. Լենին, Երկեր, հ. 30, էջ 75:



Քաղաքացիական կոիվներում սովետական ժողովրդի և նրա երիտասարդ Կարմիր Բանակի հաղթանակների գործում կարևոր նշանակություն ունեցավ այն, որ պարտիայի Կենտկոմը, Վ. Ի. Լենինի գլխավորությամբ, հաշվի առնելով երկրի ներքին և միջազգային գրությունը, ուժերի հարաբերությունը, դասակարգային պայքարը, ճիշտ կռահելով թշնամու ռազմա-քաղաքական և ստրատեգիական պլանները, մեծագույն հմտությամբ որոշում էր վճռական ռազմաճակատները և աշնտեղ ուղղում սովետական ժողովրդի, պարտիայի ու Կարմիր Բանակի ուժերը:

Քաղաքացիական կոիվների և օտարերկրյա ինտերվենցիայի առաջին էտապում պարտիայի Կենտրոնական Կոմիտեն ռեուլյուցիայի բախտի որոշման համար գլխավոր ու վճռական ռազմաճակատ համարում է Արևելյան ճակատը: Այս ռազմաճակատում 1918 թ. ամռանը հակառեուլյուցիայի գլխավոր հարվածող ուժը 60 հազար ղինվորներից կազմված Չեխոսլովակյան կորպուսն էր, որը անգլո-ֆրանսիական իմպերիալիստների թեյադրանքով մայիսի 25-ին ապստամբեց և փոխելով իր շարժման ընթացքը, ուղղություն փոքրեց դեպի Մոսկվա: Չեխոսլովակյան կորպուսին ակտիվորեն օժանդակում էին Ուրալի սպիտակ կազակները, էսենները, մենշևիկները և անգլո-ֆրանսիական իմպերիալիստները: Չեխոսլովակյան կորպուսը մայիսի 26—31-ը զբաղեց Նոփոսիբիրսկը, Պենզան, Պետրոպավլովսկը, Տոմսկը, հուլիսի 22-ին՝ Սիմբիրսկը, օգոստոսի 6-ին՝ Կադանը և լուրջ վտանգ ստեղծեց Մոսկվայի համար: Սովետական երիտասարդ ռեսպուբլիկայի համար ստեղծված այս զրծվարին ու ծանր պայմաններում Վ. Ի. Լենինը, վերլուծելով ստեղծված իրադրությունը և ճիշտ կռահելով թշնամու ստրատեգիական պլանները, 1918 թ. ամռանը գլխավոր ու վճռական ռազմաճակատ, որտեղ որոշվում էր ռեուլյուցիայի բախտը, համարում է Արևելյան, այսինքն՝ Չեխոսլովակյան կորպուսի ռազմաճակատը: Օգոստոսի 1-ին Վ. Ի. Լենինը Արևելյան ռազմաճակատի ղեկավարներին գրում է. «Այժմ ռեուլյուցիայի բախտը մազից է կախված—արագ հաղթանակ չեխոսլովակների դեմ, Կադան—Ուրալ—Սամարա ռազմաճակատում: Ամբողջը կախված է դրանից»¹: Վ. Ի. Լենինը այնքան խուշոր նշանակություն էր տալիս Չեխոսլովակյան կորպուսի ջախջախմանը, որ 1918 թվականի օգոստոսի 23-ին հայտարարեց, թե «Ոչ միայն ռուսական, այլև միջազգային ռեուլյուցիայի փրկությունը չեխոսլովակյան ճակատումն է»²: Հուլիսի վերջին պարտիայի Կենտկոմը, քննելով Արևելյան ճակատի դրությունը, հաստատեց Կարմիր Բանակի հակահարձակման պլանը: Կենտրոնական Կոմիտեի որոշմամբ անհապաղ Արևելյան ճակատ ուղարկվեցին մի շարք նոր զորամասեր, փորձված հրամանատարներ և քաղաշխատողներ:

Արևելյան ճակատի համար կատարվեց կոմունիստների հատուկ մոբիլիզացիա: Պարտիայի Կենտկոմի ձեռնարկած միջոցառումների հետևանքով ամբողջացավ Արևելյան ճակատը և կանգնեցվեց թշնամու առաջխաղացումը: Այնուհետև, Կարմիր Բանակն անցնելով հակահարձակման, սեպտեմբերի 10-ին ազատագրեց Կադանը, սեպտեմբերի 12-ին Սիմբիրսկը: Սիմբիրսկի

¹ Տե՛ս «Военная переписка В. И. Ленина», т. 32:

² Վ. Ի. Լենին, երկեր, հ. 28, էջ 88:

աղատագրումը հանդիսացավ բեկման սկիզբը հօգուտ Կարմիր Բանակի. դա մեծագույն հարված էր հակառակույցիայի ուժերին:

Հոկտեմբեր ամսին Կարմիր Բանակի զորամասերն աղատագրեցին Սիդրանը, Սամարան, նոյեմբերին՝ Իժեսկը, Բուգուրուսլանը, Բելիբեյը:

Յշնամու դեմ մղված այդ մարտերում աչքի ընկան այնպիսի քաջարի զորավարներ, ինչպիսիք էին Բլյուկերը, Չապաևը, Չեխերը, Գայը, Պրոկոֆեր և ուրիշներ: Կարմիր Բանակի այդ հաջողություններն Արևելյան ճակատում վճռական նշանակություն ունեցան 1918 թ. ամռանը ներքին հակառակույցիայի և արևմտյան իմպերիալիստների ստրատեգիական պլանները ձախողելու և սովետական երկրի գլխին կախված մահացու վտանգը վերացնելու գործում:

1918 թվականի աշնանը, երբ ձախողվեց Չեխոսլովակյան կորպուսի և Արևմուտքի մյուս հակառակույցիոն ուժերի միջոցով Սովետական իշխանության տապալման փորձը, Անտանտի իմպերիալիստներն իրենց գլխավոր հարվածի վայր ընտրեցին Ռուսաստանի հարավը: Անտանտի իմպերիալիստները լայն գործունեություն ծավալեցին Դենիկինի ընդհանուր հրամանատարության ներքո միավորելու Դոնի սպիտակգլավարդիական և «կամավորական» բանակները և այն միացնելով հարավում գտնվող իրենց զինված ուժերին՝ հարվածել Մոսկվային:

1918 թ. վերջերին հարավից Յշնամին անցնում է ընդհանուր հարձակման Դոնյուսի վրա: Մի պահ նորից ծանր դրություն է ստեղծվում Սովետական ռեսպուբլիկայի համար: 8-րդ և 9-րդ Կարմիր բանակները, Հարավային ճակատում կրելով անհաջողություններ, դիմում են նահանջի: Սովետական ռեսպուբլիկայի զինված ուժերը ջլատելու և նրա ուշադրությունը հարավից՝ որպես գլխավոր ճակատի, շեղելու նպատակով Յշնամին ակտիվ գործողություններ է սկսում նաև երկրի այլ շրջաններում: Հյուսիսից առաջ շարժվեցին անգլո-ամերիկյան դեսանտային բանակները: Կոլչակը շարժվում է դեպի Պերմ՝ միանալու անգլո-ամերիկյան զորքերին՝ Մոսկվային հարվածելու մտադրությամբ:

Մեր երկրի համար ստեղծված այս ծանր օրերին՝ հոկտեմբերի 22-ին Վ. Ի. Լենինը Համառուսաստանյան Կենտգործկոմի, Մոսկվայի Սովետի և պրոֆմիությունների միացյալ նիստում վերլուծելով ստեղծված դրությունը, վճռական ճակատ համարում է Հարավային ռադմաճակատը¹:

Վ. Ի. Լենինը դեկտեմբերի 15-ին ռեսպուբլիկայի ՌՌԽ-ին հրահանգում է Կարմիր Բանակի հիմնական ուժերը տրամադրել հարավին: Հարավ են ուղարկվում մի շարք նոր զորամասեր: Դեկտեմբեր-հունվար ամիսներին Հարավային ռադմաճակատ ուղարկվեցին ավելի քան 2500 կոմունիստներ: Պարտիայի Կենտրոնական Կոմիտեի և Սովետական կառավարության ձեռնարկած միջոցառումների հետևանքով Կարմիր Բանակի զորամասերը 1918 թվականի դեկտեմբերի վերջերին կանգնեցրին հարավում Յշնամու առաջնաղացումը:

1919 թվականի հունվարի 4-ին Հարավային ռադմաճակատի համալրված 8-րդ և 9-րդ բանակները, ինչպես և մինչ այդ Յարիցինը (որը Հարավային ճակատի մի հատվածն էր) պաշտպանող 10-րդ բանակը անցնելով հակահար-

¹ Վ. Ի. Լենին, Երկեր, հ. 28, էջ 133:

ձակման՝ կարողացան ետ մղել թշնամու ուժերը և ձախողել հարավից Սոսկվան գրավելու Անտանտի իմպերիալիստների պլանը։ Այդ նույն շրջանում Կարմիր Բանակի զորամասերը հաջող գործողություններ են ծավալում նաև մյուս ռազմաճակատներում։ 1919 թվականի հունվարին Յ-րդ բանակը, անցնելով հակահարձակման, կանգնեցրեց Արևելյան ճակատում Կոլչակի, ինչպես նաև հյուսիսից անգլո-ամերիկյան ինտերվենցիոն բանակների առաջխաղացումը։

Կարմիր Բանակի այդ հաջողությունները մի կողմից և մյուս կողմից թիկունքի տեղական պարտիական կազմակերպությունների տարած քաղաքական-ազդեցիկոն աշխատանքների հետևանքով ռեոլյուցիոն խմորումներին սկսվում Ռուսաստան բերված անգլո-ամերիկյան և ֆրանսիական ինտերվենցիոն բանակներում։ Նրանց զինվորների գիտակից մասը հրաժարվում է կռվել Սովետական իշխանության դեմ և պահանջում վերադառնալ հայրենիք։ Սև ծով մտցված ֆրանսիական նավատորմում նույնիսկ բռնկվեց ապստամբություն։ Անտանտի հրամանատարությունը հարկադրված եղավ մի շարք ռազմաճակատներից իր զորքերը հանել և վերադարձնել հայրենիք։ Այս խոշոր հաղթանակ էր, որի մասին Վ. Ի. Լենինը գրել է՝ «անգլիացիների և ֆրանսիացիների փորձը՝ խեղդել Սովետական Ռուսաստանն իրենց զորքերով, փորձ, որը հաստատապես նրանց ամենահեշտ հաջողություն էր խոստանում ամենակարճ ժամանակում, այդ փորձը կրախով վերջացավ՝ անգլիական զորքերը հեռացան Արխանգելսկից, ֆրանսիական զորքերը, որոնք ափ էին հանվել հարավում, լուրջը հայրենիք տարվեցին... Այդ հաղթանակը, որ մենք տարանք, հարկադրելով հեռացնել անգլիական և ֆրանսիական զորքերը, մեր տարած ամենագլխավոր հաղթանակն էր Անտանտի դեմ։ Մենք նրանից խլեցինք նրա զինվորներին»¹։

Երբին և արտաքին հակառեոլյուցիան 1918 թ. վերջին 1919 թ. սկզբներին ձախողվելով հարավում, դարձյալ փոխեց իր գլխավոր հարվածի ուղղությունը։ 1919 թվականի գարնանը Անտանտի Սովետական իշխանության դեմ սկսում է նոր «կոմբինացված» արշավանք։ Այդ արշավանքում գլխավոր հարվածող բուռնցքը հանդիսանում էր Կոլչակի բանակը արևելքից։ Կոլչակին հարավից օգնում էին Դենիկինի, հյուսիս-արևմուտքից՝ Յուդենիչի, արևմուտքից՝ պանական Լեհաստանի, հյուսիսից՝ Միլլերի և անգլո-ամերիկյան ու ֆրանսիական բանակները։

Լենինը ստրատեգի իր մեծագույն հմտությամբ 1919 թվականի ապրիլի 10-ին Պիտերի բանվորներին ուղարկած նամակում կանխատեսելով թշնամու ռազմա-ստրատեգիական նոր պլանները, գրում է, որ այժմ Արևելյան ճակատում է որոշվում ռեոլյուցիայի բախտը²։ Ուստի Կենտրոնական Կոմիտեն Լենինի գլխավորությամբ միջոցառումներ է մշակում ջախջախելու այդ արշավանքի գլխավոր ուժ հանդիսացող Կոլչակի մեծաքանակ բանակը։ Ապրիլի 11-ին պարտիայի Կենտրոնական Կոմիտեն հաստատեց Լենինի կողմից գրված «ԲԿ(բ)Պ Կենտկոմի թեզիսները Արևելյան ռազմաճակատի դրությամբ կապակցությամբ»³։ Այդ թեզիսները դարձան Կոլչակի ջախջախման ռազմա-ստրա-

¹ Վ. Ի. Լենին, Երկեր, հ. 30, էջ 255, 256։

² Վ. Ի. Լենին, Երկեր, հ. 29, էջ 329։

³ Նույն տեղում, էջ 331—335։

ստեփական և քաղաքական պլանի հիմքը: Կենտրոնական Կոմիտեի որոշմամբ Արևելյան ռազմաճակատ ուղարկվեցին նոր ուժեր, այդ թվում ավելի քան 20 հազար կոմունիստներ: Թշնամուն թեպիս հզոր հարված հասցնելու համար ստեղծվեց Արևելյան ռազմաճակատի հարավային խումբ, որի գլխավոր հրամանատար նշանակվեց Մ. Ֆրունզեն, իսկ Ռազմա-ռեուլյուցիոն խորհրդի անդամ՝ Վ. Կուլբիշևը:

1919 թվականի ապրիլի 28-ին Արևելյան ռազմաճակատի հարավային խումբը անցնելով հակահարձակման, թշնամուն շարտեց Ուրալ: Մեծ եղավ Կենտկոմի դերը, Լենինի գլխավորությունը, ապահովելու նաև Ուրալի և Սիբիրի աղատագրումը Կոլչակի բանդաներից:

Հայտնի է, որ Տրոցկու անմիջական ցուցումով Կարմիր Բանակի գլխավոր հրամանատար Վաղեսիսը, Կարմիր Բանակի առաջին հաջողություններից հետո, հրահանգեց Արևելյան ճակատի հրամանատարությունը Կոլչակի դեմ անցնել պաշտպանության, իսկ գլխավոր ուժերը փոխադրել հարավ: Լենինն այդ համարեց մեծագույն սխալ և մայիսի 29-ին Արևելյան ճակատի հրամանատարությունն ուղղած իր հեռագրով նախազգուշացրեց. «եթե մենք մինչև ձմեռ չտիրենք Ուրալը, ապա ես գտնում եմ, որ ռեուլյուցիայի կործանումն անխուսափելի է»¹: Հունիսի 15-ին Կենտրոնական Կոմիտեն բեկանեց Տրոցկու-Վաղեսիսի միասակար հրահանգը: Կարմիր Բանակը, առաջնորդվելով Կոլչակի ջախջախման լենինյան պլանով, փալլուն կերպով կատարեց իր խնդիրը: Կոլչակը վերցվեց, մի կողմից, Կարմիր Բանակի հարձակվող ուժերի, մյուս կողմից, Սիբիրի պարտիզանների աքցանի մեջ և գլխովին ջախջախվեց, Ուրալը և Սիբիրը աղատագրվեցին: 1919 թվականի դեկտեմբերին Իրկուտսկում ապստամբած լանդոները բանտարկեցին Կոլչակին և նրա «մինիստրներին»: Կոլչակի ռազմական դիկտատուրան ոչնչացվեց: Անտանտի իմպերիալիստները 1919 թ. ամառվա վերջին, աշնան սկզբին Սովետական ռեսպուբլիկայի դեմ սկսում են իրենց նոր կոմբինացված արշավանքը: Այս արշավանքի զրլ-խավոր հարվածող ուժը դառնում է Դենիկինի բանակը՝ հարավում: Այսպիսով, 1919 թ. ամռանը-աշնանը Սովետական ռեսպուբլիկայի բախտը որոշող վճռական ռազմաճակատ դառնում է դարձյալ Հարավային ճակատը:

1919 թ. հուլիսի 3-ին Դենիկինն իր բանակին հրաման արձակեց՝ անցնել ընդհանուր հարձակման Մոսկվան գրավելու համար: Անտանտի հրամանատարությունը կողմից մշակված պլանով այդ նույն ժամանակ դենիկյաներ Կոլչակի, Միլերի, Յուդենիչի բանակները, բուրժուա-կալվածատիրական Լեհաստանը և հակառեուլյուցիայի մյուս ուժերը հարձակումներ սկսեցին արևելքից, հյուսիսից և արևմուտքից, նպատակ ունենալով հեշտացնել Դենիկինի հաղթանակը:

Սովետական ռեսպուբլիկայի գլխին նորից կախվեց մահացու վտանգ: Մեր երկրի համար ստեղծված այդ ծանր օրերին, հուլիսի 3—4-ը, տեղի ունեցավ պարտիայի Կենտրոնական Կոմիտեի պլենումը, որը միջոցառումներ մշակեց երկրի պաշտպանությունն ապահովելու և Անտանտի նոր արշավանքը ձախողելու համար: Պլենումը պահանջեց ամրապնդել բանակի հրամանատարությունը: Նա հիմնովին վերանայեց ռեսպուբլիկայի ՌԽԽ-ի կազմը և վերակառուցեց նրա աշխատանքը: Պլենումի հանձնարարությամբ Ժողկոմսովետը

¹ 35-я «Восточная переписка В. И. Ленина», 1956, էջ 137:

հուլիսի 8-ին բանակի գլխավոր հրամանատար նշանակեց Ս. Ս. Կամենևին (Վալենտին փոխարեն):

Պարտիայի Կենտրոնական Կոմիտեն քննեց և հաստատեց Լենինի կողմից գրված «Բոլորս պայքարի՝ Դենիկինի դեմ» պատմական նամակը¹, որը հրապարակվեց հուլիսի 9-ին և մեծագույն նշանակություն ունեցավ սովետական ժողովրդի և Կարմիր Բանակի ուժերը մորիլիզացնելու և Դենիկինի ջախջախումն ապահովելու համար:

Կենտրոնական Կոմիտեն Հարավային ճակատի ղեկավարությունն ուժեղացնելու համար աջնտեղ ուղակեց մի շարք ղեկավար պարտիական-պետական գործիչների: Կենտրոնական Կոմիտեի հանձնարարությամբ բանակի նոր գլխավոր հրամանատար Ս. Կամենևեր մշակում է Դենիկինի դեմ Կարմիր Բանակի հակահարձակման պլանը, որը պետք է իրագործվեր օգոստոսի սկզբին: Նկատի ունենալով այն, որ թշնամու գլխավոր ուժերի կուտակումները 1919 թ. ամառվա սկզբներին գտնվում էին Դոնից արևելք, Ս. Կամենևերի մշակած այդ պլանը նախատեսում էր թշնամուն հարվածել Ցարիցինի ուղղությամբ:

Կարմիր Բանակի գլխավոր հրամանատարությունը, առաջարկելով այդ պլանը, նպատակ ուներ թույլ չտալ Վոլգայի ուղղությամբ շարժվող Դենիկինի զորքերին միանալու Կուլակի բանակի հարավային ուժերի հետ, և, բացի դրանից, այդ ուղղությամբ հարձակվող Կարմիր Բանակը ավելի հեշտ ու արագ կարող էր համալրվել Արևելյան ճակատի ուժերով և թեևային հզոր հարվածով մխրձվել Դենիկինի բանակի խորը թիկունքը²: Եթե հաշվի առնենք այս ամենը, Ս. Կամենևերի մշակած պլանը իր ժամանակի համար ճիշտ պլան էր, և այն հավանություն ստացավ պարտիայի Կենտկոմի կողմից: Սակայն այս պլանը հաջողություն չունեցավ, որովհետև Կարմիր Բանակը նախատեսված ժամանակին ուշ սկսեց իր հարձակումը: Այդ գործում դարձյալ իրենց միասնակար դերը խաղացին Տրոցկին և նրա գործակալները: Այդ պլանի անհաջողությանը նպաստեց նաև այն, որ Դենիկինը իր գործակալների միջոցով տեղեկանալով նշված պլանի բոլոր մանրամասնություններին՝ դիմեց արագ միջոցների՝ ձախողելու Կարմիր Բանակի հարձակումը: Նա Մամոնտովի հեծելազորը շարտեց Հարավային ռազմաճակատի թիկունքը և հարձակման համար նախատեսված Կարմիր Բանակի գլխավոր ուժերի ուղադրությունը դրանով իսկ բեկեց Մամոնտովի վրա և ժամանակ շահեց, ստեղծեց հարավային հզոր բռնուցք, որը ուղղեց Մոսկվայի դեմ նոր ուղղությամբ՝ Կուրսկ—Օրյոլ—Տուլա գծով: Գրավելով Օրյոլը, Դենիկինը սպառնում է Տուլային և ստեղծում անմիջական վտանգ Մոսկվայի համար:

Դենիկինի հաջողության պատճառներից մեկն էլ ռեսպուբլիկայի Ռազմա-ռևոլյուցիոն խորհրդի վատ աշխատանքն էր, որի գլուխ կանգնած էր Տրոցկին: Ահա թե ինչու Վ. Ի. Լենինը մեծագույն սրությամբ քննադատում է ՌԽ-ի գործունեությունը և վճռականորեն պահանջում արմատականորեն բարելավել նրա աշխատանքները: Այդ առթիվ Լենինը Ռազմա-ռևոլյուցիոն խորհրդի անդամ Գուսևին գրում է. «Ընկեր Գուսև: Խորամուկի լինելով Սկլյանսկու նամակի (գործերի դրության մասին 15/IX) և ամփոփագրերի արդյունք-

¹ Վ. Ի. Լենին. Երկեր, հ. 29, էջ 535—559:

² Տե՛ս Սովետական Միության Կոմունիստական պարտիայի պատմություն, Երևան, 1959, էջ 372—373:

ների մեջ, ես համոզվում եմ, որ մեր Ռեսպուբլիկայի Ռազմախորհուրդը վատ է աշխատում:

Հանդատացնել ու հանգստացնել—դա վատ տակտիկա է: Ստացվում է «հանգստացնելու խաղ»:

Իսկ իրականում մեղ մոտ լծացում է—գրեթե փլուզում:

Սիբիրյան ռազմաճակատում դրել են ինչ-որ սրիկա Օլգերոգի և վախկոտ Պողերին և «հանգստացնել»: Ուղղակի խայտառակություն է: Իսկ մեղ սկսել են խփել: Մենք դրա համար պատասխանատու կդարձնենք Ռեսպ. Ռազմախորհրդին, եթե ձեռք չառնվեն եռանդուն միջոցներ: Հաղթանակը ձեռքից բաց թողնելը խայտառակություն է... Այդպես չի կարելի: Պետք է աշխատանքի փնկնու տեմպը վերափոխել կենդանի տեմպի»¹:

Սեպտեմբերի 21-ին հրավիրվեց պարտիայի Կենտրոնական Կոմիտեի պլենումը, որը քննարկեց Հարավային ճակատի վիճակը և մշակեց մի շարք միջոցառումներ՝ թշնամուն գիմարելու և ջախջախելու համար: Պլենումը մասնավորապես անհրաժեշտ համարեց Վորոնեժի հատվածում ստեղծել թշնամու թևերին հարվածող ուժեղ խումբ: Այդ նպատակի համար առանձնացվեցին Բուդյոննու հեծյալ կորպուսը, լատիշական դիվիզիան և այլ ուժեր: Պլենումը միաժամանակ որոշեց ռազմաճակատի կենտրոնական հատվածում կուտակել խոշոր ուժեր՝ Վորոնեժ—Խարկով գծով հակահարձակման անցնելու համար, իսկ նախկին լենինգրադյան Հարավային ռազմաճակատը բաժանել Հարավային և Հարավ-արևելյան երկու ինքնուրույն ռազմաճակատների:

Նոր կազմակերպված Հարավային ռազմաճակատը հայտարարվեց գլխավոր ճակատ: Սեպտեմբերի 26-ին Հարավային ռազմաճակատի Ռազմա-ռեզուլտիստ խորհրդի անդամ նշանակվեց Ի. Ստալինը: Հարավային ռազմաճակատ ուղարկվեցին մի շարք այլ ղեկավար գործիչներ, այդ թվում՝ Կ. Վորոշիլովը, Ս. Օրջոնիկիձեն, Ս. Կիրովը, Վ. Պոտյոմկինը, Ռ. Զեմլյաչկան, Ս. Անուշինը, Պ. Սոլոգուխինը և ուրիշներ:

Հոկտեմբերի սկզբին Հարավային ռազմաճակատի գլխավոր հրամանատար նշանակվեց Ա. Նգորովը: Պարտիայի Կենտրոնական Կոմիտեն Հարավային ռազմաճակատ ուղարկեց մոտ 30 հազար կոմունիստ և ավելի քան 10 հազար կոմերիտականներ:

1919 թվականի հոկտեմբերի 15-ին պարտիայի Կենտրոնական Կոմիտեի Քաղրյուրոն վճռական նշանակություն տալով ռազմաճակատի կենտրոնական հատվածին, որոշեց Հարավ-արևելյան ճակատում անցնել պաշտպանության, իսկ Հարավային ճակատում՝ հարձակման: Այդ նպատակով նա Կարմիր Բանակի գլխավոր հրամանատարությունից պահանջեց իր բոլոր պահեստային ուժերը տրամադրել Հարավային ռազմաճակատին, որպես գլխավոր, վճռական ճակատի: Այսպիսով պարտիայի սեպտեմբերյան պլենումի և Քաղրյուրոյի հոկտեմբերի 15-ի որոշումներով փաստորեն մի կողմ թողնվեց Դենիկինին հարվածելու հին պլանը և սկսեց աստիճանաբար ծնունդ առնել Կարմիր Բանակի՝ Խարկով—Դոնբաս—Ռոստով ուղղությամբ հարձակվելու նոր պլանը:

Հոկտեմբերի 20-ին Հարավային ռազմաճակատի զորամասերը անցնելով հարձակման, ազատագրեցին Օրյոլը:

Բուդյոննու հեծյալ կորպուսը Վորոնեժի տակ ջախջախեց Շկուրոյի և Մա-

¹ Վ. Ի. Անիկ, Երկիր, հ. 35, էջ 457, 458:

մոնտովի հեծելազորը: Հոկտեմբերի 24-ին Կարմիր Բանակի ղորամասերը գրավեցին Վորոնեժը:

Նոյեմբերի 14-ին Լենինի նախաձեռնությամբ պարտիայի Կենտկոմի Քաղ-բյուրոն նորից քննության առնելով Հարավային ճակատի հարցը՝ Կարմիր Բանակի գլխավոր հրամանատարությունից պահանջեց բոլոր ռեզերվները տրամադրել Հարավային ռազմաճակատին և սկսել ընդհանուր հարձակում խարկով—Գոնլաս—Ռոստով ուղղությամբ: Հարավային ռազմաճակատի Կարմիր Բանակի ղորամասերը գործելով պարտիայի Կենտրոնական Կոմիտեի սեպտեմբերյան պլենումի և Քաղբյուրոյի հոկտեմբերի 15-ի ու նոյեմբերի 14-ի նիստերի որոշումների համաձայնությամբ հարձակման նոր պլանով՝ 1919 թվականի վերջին 1920 թ. սկզբին հաջողությամբ իրագործեցին Դենիկինի բանակների ջախջախումը: Վերոհիշյալ փաստերը միաժամանակ անժխտելիորեն ապացուցում են, որ Դենիկինի ջախջախման պլանը նույնպես լիովին ու ամբողջովին պարտիայի Կենտկոմի պլանն էր, Կենտկոմի կոլեկտիվ մտքի արգասիքը:

Ջախջախիչ պարտությունն կրելով Կարմիր Բանակի հարվածներից, Դենիկինը մի պահ ծրագրում է իր բանակի մնացորդներով գրավել Անգրկովկասը, համարել և կազդուրել իր բոլորած ուժերը և Անգրկովկասը պլանաբար դարձնել Սովետական Ռուսաստանի դեմ նոր արշավանք սկսելու համար: Հայտնի է, որ դենիկինյան բանակին ակտիվ օգնություն էին ցույց տալիս նաև Անգրկովկասի հակառակույցիոն կառավարությունները: Այդ օգնությունը նախ և առաջ արտահայտվում էր նրանում, որ դաշնականների, մենշևիկների և մուսավթականների կառավարությունները ապահովում էին Դենիկինի թիկունքը Անգրկովկասի ռեյուցիոն ուժերի գրոհից: Բացի դրանից, անգրկովկասյան հակառակույցիոնները Դենիկինին ցույց էին տալիս նաև անմիջական ռազմական օգնություն: Դաշնականները, օրինակ, Դենիկինին տրամադրել էին անգլիացիների կողմից հատուկ ղինած ու հանդերձավորված հայկական ղինվորական միավորներ: Սակայն գլխովին ձախողվեցին նաև Դենիկինի՝ Անգրկովկասում ամրանալու պլանները: Այդ գործում կարևոր նշանակություն ունեցավ բոլշևիկյան կազմակերպությունների ղեկավարությամբ երկրամասի աշխատավորական մասսաների ռեյուցիոն պայքարը: Դեպի Սովետական իշխանությունն ունեցած ջերմ ձգտմամբ և սիրով պետք է բացատրել նաև այն, որ Հյուսիսային Կովկասի, Դոնի և Ադովի շրջանների գաղթական ու տեղացի հայերը անհուն թշնամանքով էին լցված դեպի Դենիկինը և ակտիվ օգնություն էին ցույց տալիս նրա բանակի դեմ կովոչ Կարմիր Բանակի ղորամասերին: Քիչ չէին նաև այն դեպքերը, երբ Դենիկինի բանակը բռնի ծառայության բռնած հայերը հրաժարվում էին կովել և հաճախ անցնում էին Կարմիր Բանակի կողմը ու զինքն ուղղում սպիտակգլարդիականների դեմ: Անգրկովկասում ամրանալու Դենիկինի պլանի ձախողման գործում վճռական նշանակություն ունեցավ հատկապես այն, որ Կարմիր Բանակի ղորամասերը, պարտություն մատնելով դենիկինյան զորքերին, արագորեն մոտեցան Անգրկովկասի սահմաններին: Այս հանգամանքը միաժամանակ մեծապես խթանեց Անգրկովկասում ռեյուցիոն պայքարի վերելքը, օգնեց մասսաների վճռական գրոհին՝ Ադրբեջանում, Հայաստանում և Վրաստանում սովետական կարգերի հաստատման համար:

Դենիկինի ջախջախումից հետո, բոլշևիկների պարտիան, Վ. Ի. Լենինի գլխավորությամբ առաջնահերթ խնդիր է համարում ներքին ու արտաքին

թշնամու դեմ վերջնական հաղթանակի կազմակերպումը:

1920 թվականի գարնանը Սովետական ռեսպուբլիկայի համար նորից ծանր վիճակ է ստեղծվում: Արևմտյան իմպերիալիստները Սովետական իշխանության տապալման համար նրա դեմ սկսում են նոր արշավանք, այս անգամ իրենց գլխավոր հույսը դնելով Արևմուտքում՝ բուրժուա-կալվաժատի-րական լեհական և հարավում՝ գնեթերալ Վրանդելի բանակների վրա: 1920 թվականի ապրիլի 25-ին լեհական բանակը, անցնելով հարձակման, դրավում է Կիևը: Հարձակողական զործողություններ է սկսում նաև Վրիժում ծվարած Վրանդելի բանակը: Պարտիայի Կենտրոնական Կոմիտեն մշակում է միջոցա-ռումներ Անտանտի այդ նոր արշավանքի ջախջախման համար: Մայիսի 23-ին հրապարակվում են Կենտրոնական Կոմիտեի «Լեհական ճակատը և մեր խնդիրները» թեղիսները: Սպիտակ լեհերի և Վրանդելի բանակների դեմ ուղարկ-վում են Կարմիր Բանակի ամենամարտունակ ուժերը: Հարավ-արևմտյան, ապա և Արևմտյան ռազմաճակատների դորքերը, անցնելով հակահարձակման, ետ շարտեցին լեհական բանակներին և 1920 թվականի հուլիսի վերջին մո-տեցան Վարշավայի մատույցներին: Սակայն արևմտյան իմպերիալիստական պետությունների օգնությամբ լեհական բանակը համախմբում է իր ուժերը և օգոստոսի կեսերին անցնում հակահարձակման: Սովետական հրամանատա-րության թույլ տված սխալների, ինչպես և մի շարք այլ պատճառների, հե-տևանքով Կարմիր Բանակի առաջապահ զորամասերը, կտրվելով թիկունքից, հարկադրված եղան դիմել որոշ նահանջի: Սակայն սեպտեմբերին, լեհական ճակատում կենտրոնացնելով լրացուցիչ ուժեր, Կարմիր Բանակի հրամանա-տարությունը պատրաստվում է թշնամու դեմ սկսել նոր հարձակում: Զգալով իր բանակի անխուսափելի պարտությունը, Լեհաստանի բուրժուա-կալվաժա-տիրական կառավարությունը 1920 թվականի հոկտեմբերին հաշտություն կրն-րեց Սովետական կառավարության հետ:

Լեհաստանի հետ պատերազմն ավարտելուց հետո Մ. Ֆրունզեի հրամա-նատարությամբ Հարավային ռազմաճակատի դորքերը Վրանդելի դեմ սկսում են վճռական հարձակում և նոյեմբերին, ջախջախելով նրա բանակները, ազա-տագրում Ղրիմը: Դրանով էլ հենց գլխովին ձախողվեց Անտանտի իմպերիա-լիստների՝ նոր ռազմական ինտերվենցիայի միջոցով Սովետական իշխանու-թյունը տապալելու այս փորձը ևս:

1921 թվականի վերջերին և 1922 թվականին Կարմիր Բանակը Հեռավոր Արևելքում նույնպես վերջնականապես ջախջախեց ճապոնական և սպիտակ-գլուխների բանակներին: Այսպիսով Սովետական ռեսպուբլիկայի դեմ սկսված երկարատև օտարերկրյա ինտերվենցիան և ներքին քաղաքացիական կռիվները ավարտվեցին Սովետական իշխանության հաղթանակով, ներքին և արտաքին թշնամիների կատարյալ ջախջախմամբ:



Քաղաքացիական կռիվներում օտարերկրյա ինտերվենցիաների և ներքին հակառակույցություն ուժերի դեմ սովետական ժողովրդի տարած պատմական հաղթանակների կարևորագույն գործոններից մեկն էլ այն էր, որ բոլշևիկների պարտիան հետևողականորեն իրագործելով լենինյան ազգային քաղաքակա-նությունը, կարողացավ համախմբել մեր երկրի բոլոր ժողովուրդներին ուժերը

և նրանց ակտիվ պայքարի հանել ուղղությունը թշնամիների դեմ: Մեր այս միտքը հաստատելու համար թեկուզ խիստ համառոտ կերպով անդրադառնանք այն ջերմ բարեկամությանը, որպիսին քաղաքացիական կոիվների կրակի ու բողոքների մեջ հաստատվեց հայ և ռուս աշխատավորների միջև, մի բարեկամություն, որը խոշորագույն նշանակություն տնեցավ Հայաստանում դաշնակների արյունալի տիրապետության տապալման, այնտեղ սովետական կարգերի հաստատման, հայ ժողովրդին ֆիզիկական լինաջնջումից փրկելու ու նրա ազգային վերածննդի համար:

1917 թվականի դեկտեմբերի 31-ին հրապարակվեց Սովետական կառավարության 1917 թվականի դեկտեմբերի 29-ին ընդունած նշանավոր դեկրետը «Թուրքահայաստանի մասին», որը լավագույն վկայություն է դեպի հայ ժողովուրդը Ռուսաստանի երիտասարդ Սովետական կառավարության ունեցած մեծագույն հոգատարության:

Մեծ էր Սովետական Ռուսաստանի օգնությունը թուրքական յաթաղանից դադարած հայերի նկատմամբ: 1917 թվականի դեկտեմբերին Մոսկվայում ԽՍՀՄ-ի Ալլգությունների գործերի ժողովրդական կոմիսարիատին կից հիմնված Հայկական գործերի կոմիսարիատի տրամադրության տակ Սովետական Ռուսաստանի կառավարությունը զգալի չափով դրամական միջոցներ դրեց՝ Ռուսաստան գաղթած հայերին օգնություն ցույց տալու նպատակով:

Հայ և ռուս ժողովուրդների եղբայրական բարեկամությունը առանձնապես մեծ ուժով դրսևորվեց Հայաստանում սովետական կարգերի հաստատման համար մղված պայքարում: Հայաստանում ապստամբության դրոշ պարզած ուղղություն ուժերի խնդրանքով, Վ. Ի. Լենինի անմիջական ցուցումով, նրանց օգնության եկավ Ս. Կիրովի և Ս. Օրջոնիկիձեի գլխավորած 11-րդ Կարմիր Բանակը, և 1920 թվականի նոյեմբերի 29-ին Հայաստանում հաստատվեց Սովետական իշխանություն:

Աղբյուրներում, Հայաստանում և Վրաստանում սովետական կարգերի հաստատմամբ անդրկովկասյան ժողովուրդները ոչ միայն թոթափեցին մուսավաթականների, դաշնակների, մենշևիկների և նրանց հովանավոր արևմրտյան իմպերիալիստների արյունալի տիրապետությունը, այլև դրանով ձայնողվեցին նաև օտարերկրյա օկուպանտների՝ Անդրկովկասը Սովետական Ռուսաստանի դեմ որպես պլացդարմ օգտագործելու պլանները:

Քաղաքացիական կոիվների և օտարերկրյա ինտերվենցիայի ծանր տարիներին Սովետական Ռուսաստանի մարտական ուժերին աւտիվ օգնություն ցույց տվին նաև հայ ժողովրդի զավակները: Քաղաքացիական կոիվների ամենադժարին պահին, երբ Վ. Ի. Լենինը դիմեց ժողովրդին «Ամեն ինչ ուղմաձակատի համար, ամեն ինչ հաղթանակի համար» մարտական կոչով, Հայկական գործերի կոմիսարիատը լայն գործունեություն ծավալեց Ռուսաստան, Ուկրաինա, Հյուսիսային Կովկաս և այլ վայրերը դադարած, ինչպես և Ռուսաստանի դադարավայրերի բնիկ հայերի լայն շրջաններում, կոչ անելով նրանց՝ մոտենլու Կարմիր Բանակի շարքերը և զենքով պաշտպանելու Սովետական Հայրենիքը: Հայրենասիրական այդ կոչը մեծ արձագանք գտավ հայ աշխատավորության լայն շրջաններում: Բազմաթիվ հայեր մտան Կարմիր Բանակի շարքերը: Ռուսաստանի առանձին վայրերում նույնիսկ ստեղծվում են հայկական հատուկ զորային միավորներ՝ Կարմիր Բանակի կազմում թշնամու դեմ կռվելու համար: Հաղարավոր հայ զինվորներ, հրամանատարներ ու քաղաշ-

խատողներ մասնակցեցին Ռուսաստանի երիտասարդ Սովետական ռեսպուբլիկայի պաշտպանության համար մղված հերոսամարտերին:

Քաղաքացիական կռիվները և օտարերկրյա ինտերվենցիայի տարիներին Կարմիր Բանակի շարքերում հանդես եկան ու աճեցին բազմաթիվ անձնվեր ու քաջ հայ հրամանատարներ և քաղաշխատողներ, որոնք իրենց ավանդը դրեցին թշնամու ջախջախման գործում:

Նորաստեղծ Կարմիր Բանակի տաղանդավոր կազմակերպիչներից և նրա ականավոր ռազմական ու քաղաքական գործիչներից մեկն էր Լենինի անձնվեր աշակերտ Ալ. Մյասնիկյանը: 1917 թվականի նոյեմբերին Արևմտյան ռազմաճակատի զինվորների ու սպաների պատգամավորների համագումարը Ալ. Մյասնիկյանին ընտրեց Արևմտյան ռազմաճակատի զորքերի գլխավոր հրամանատար: Նա կարճատև ժամանակով կատարեց նաև Կարմիր Բանակի գերագույն գլխավոր հրամանատարի պարտականությունները: Ալ. Մյասնիկյանը 1918 թվականի գարնանը նշանակվեց Պովոլժյեի ռազմաճակատի հրամանատար և, որպես այդպիսին, խոշոր դեր խաղաց այդ ռազմաճակատում հակառակույցի ուժերի դեմ մղվող պայքարում: Այնուհետև, Ալ. Մյասնիկյանին մենք տեսնում ենք Բելոռուսիայի Կենտրոնական Գործադիր Կոմիտեի նախագահի, Բելոռուսիայի Կոմպարտիայի Կենտրոնական բյուրոյի նախագահի, Սոսկվայի պարտիայի քաղաքային կոմիտեի առաջին քարտուղարի և ռազմական կազմակերպչի, ապա՝ Արևմտյան ռազմաճակատի քաղվարչության պետի պաշտոններում: Ուր էլ որ լինե՛ր՝ պարտիական, պետական թե՛ ռազմական ղեկավար աշխատանքներում՝ նա այդ էտապում իր գլխավոր ուղադրությունը կենտրոնացնում էր իրագործելու պարտիայի կողմից տրված «Ամեն ինչ ռազմաճակատի համար, ամեն ինչ հաղթանակի համար» մարտական լոզունգը: 1921 թվականին Ալ. Մյասնիկյանն ընտրվեց Հայկական ՍՍՌ Ժողովրդական Կոմիսարների խորհրդի նախագահ՝ Հայկական ՍՍՌ ռազմական գործերի Ժողովրդական կոմիսար, ինչպես և նշանակվեց առանձին Կովկասյան բանակի Ռազմա-ռևոլյուցիոն խորհրդի անդամ և իրեն հատուկ եռանդով մեծագույն հմտությամբ գլխավորեց Հայաստանի լեռնային շրջաններում (Ջանգեդուքում) ամրացած դաշնակցական բանդաների ջախջախման և վերջնական լիկվիդացման գործը:

Քաղաքացիական կռիվների տարիներին օտարերկրյա ինտերվենտների ու ապիտակգվարդիական բանակների դեմ սովետական ժողովրդի ու նրա երիտասարդ Կարմիր Բանակի մղած հերոսամարտերում իր տաղանդով ու զորավարական բարձր արվեստով փայլեց Կարմիր Բանակի լենինյան նոր տիպի զորավար Գայը (Հայկ Բժշկյան): 1918 թվականի դարձան-ամռան ամիսներին Գայի գլխավորած դիվիզիան, Կարմիր Բանակի մյուս զորամասերի հետ միասին, խոշոր դեր խաղաց Չեխոսլովակյան կորպուսի ուժերի ջախջախման և նրա կողմից գրավված քաղաքների ազատագրման գործում: 1919 թվականին Գայի I բանակը քիչ դեր չխաղաց Կուլալի ջախջախման համար մղված մարտերում: Նրա հրամանատարության տակ գործող հեծյալ կորպուսը իր խիզախ ու համարձակ ռազմական գործողություններով աչքի ընկավ նաև բուրժուական լավաժատիրական բանակների դեմ մղված մարտերում:

Որպես ականավոր զորավար և ռազմական խոշոր տեսաբան՝ Գայը իր բազմաթիվ արժեքավոր աշխատություններով գնահատելի ծառայություն է

մատուցել սովետական ռազմական տեսությունն ու Կարմիր Բանակի պատմության հարցերի մշակմանը:

Քաղաքացիական կոիվների տարիներին Կարմիր Բանակի շարքերում ներքին հակառակույցի ուժերի և օտարերկրյա ինտերվենցիոն բանակների դեմ կռվում էին նաև լազմաթիվ ուրիշ հայ հրամանատարներ ու քաղաշխատողներ: Սակայն մեր բերած օրինակները նույնպես բավական են ցույց տալու այն ռազմական համագործակցությունը և մարտական բարեկամությունը, որը հաստատվեց այդ տարիներին հալ և ռուս ժողովուրդների միջև:

Լենինյան ազգային քաղաքականության հետևողական իրագործման հետևանքով նույնպիսի սերտ բարեկամություն ու համագործակցություն էր հաստատվել նաև մեր երկրի մյուս բոլոր ժողովուրդների միջև, որը և քաղաքացիական կոիվների ու օտարերկրյա ինտերվենցիայի տարիներին դարձավ թշնամու դեմ սովետական ժողովրդի տարած հաղթանակների գլխավոր գործոններից մեկը:



Քաղաքացիական կոիվների ամբողջ պատմությունը պերճալուստ վկայություն է այն բանի, որ Սովետական Հայրենիքի ազատության ու անկախության համար ներքին հակառակույցի ու օտարերկրյա ինտերվենցիոն բանակների դեմ մղված բոլոր գոտեմարտերում սովետական ժողովրդի և նրա զինված ուժերի տարած փառապանծ հաղթանակների ոգեշնչողը, կազմակերպիչն ու ղեկավարը հանդիսանում էր բոլշևիկների պարտիան: Քաղաքացիական կոիվների ռազմաճակատներում Կարմիր Բանակի շարքերում կռվում էին ավելի քան 300 հազար կոմունիստներ, որոնցից 50 հազարը զոհվեցին տարբեր ռազմաճակատներում: Վ. Ի. Լենինը պարտիայի IX համագումարում ամփոփելով քաղաքացիական կոիվների արդյունքները թշնամու դեմ տարած հաղթանակի գործում, պարտիայի խաղացած պատմական մեծագույն դերի մասին ասել է.

«Եվ միայն շնորհիվ այն բանի, որ պարտիան իր դիրքում էր, որ պարտիան խիստ կարգապահ էր, և այն պատճառով, որ պարտիայի հեղինակությունը միավորում էր բոլոր գերատեսչություններն ու հիմնարկները, և Կենտկոմի տված լոգոնգով ընթանում էին, ինչպես մեկ մարդ, տասնյակները, հարյուրներն ու հազարները և վերջին հաշվով միիությունները, միայն այն պատճառով, որ անասելի զոհաբերություններ տեղի ունեցան,—միայն այս պատճառով այն հրաշքը, որ կատարվեց, կարող էր տեղի ունենալ: Միայն այս պատճառով էր, որ շնայելով Անտանտի իմպերիալիստների և ամբողջ աշխարհի իմպերիալիստների կրկնակի, եռակի և քառակի արշավանքներին, մենք կարողացանք հաղթել»¹:

Պարտիայի Կենտրոնական Կոմիտեն քաղաքացիական կոիվների և օտարերկրյա ինտերվենցիայի տարիներին հանդիսանում էր մեր երկրի յոչ միայն քաղաքական, այլև ռազմական շտաբը: Ինչպես տեսանք, քաղաքացիական կոիվների տարիներին պարտիայի Կենտկոմը քննում, մշակում և հաստատում

¹ Վ. Ի. Լենին, Երկեր, հ. 30, էջ 569:

էր գլխավոր ռազմաճակատների ռազմական պլանները և թշնամու դեմ հաղթանակ տանելու ալլ միջոցառումներ: Կենտկոմը ռազմաճակատ էր ուղարկում պարտիայի ականավոր գործիչներին, ապահովելու թշնամու ջախջախման միջոցառումների իրագործումը:

Քաղաքացիական կռիվների հերոսամարտերում Կարմիր Բանակի հաղթանակների և թշնամու ջախջախման ու սովետական ժողովրդի ձեռք բերած պատմական մեծագույն հաղթանակների գործում անսահման մեծ է Վ. Ի. Լենինի խաղացած դերը: Վ. Ի. Լենինը, որպես Սովետական կառավարության ղեկավար, բանվորա-գյուղացիական պաշտպանության խորհրդի նախագահ և պարտիայի առաջնորդ, իր անսպառ եռանդը, «լեռներ շարժող ռևոլյուցիոն կիրքը», մասսաներին գերող հմայքն ու անսահման հեղինակությունը, ռևոլյուցիոն ստրատեգի ու անդուգական կազմակերպչի ամբողջ ունակությունները նվիրեց քաղաքացիական կռիվներում թշնամու ջախջախման, Հոկտեմբերյան սոցիալիստական Մեծ ռևոլյուցիայի հաղթանակի ամրապնդման գործին: Վ. Ի. Լենինը քաղաքացիական կռիվների ամբողջ շրջանում իր փոթորկալից ու բեղմնավոր կյանքի ամեն մի օրը, ամեն մի ժամն ու վայրկյանը լիովին ենթարկել էր պարտիայի կողմից տրված «Ամեն ինչ ռազմաճակատի համար, ամեն ինչ հաղթանակի համար» մարտական լողունի կենսագործմանը: Վ. Ի. Լենինի մերձավոր աշխատակիցներից մեկը՝ Մ. Ի. Գլյասերը իր հիշողություններում, նկարագրելով այդ տարիներին Վ. Ի. Լենինի աշխատանքային օրը, գրել է, որ՝ քաղաքացիական կռիվների ժամանակ Լենինի աշխատանքակերպ հանդիսանում էր բոլոր ռազմական գործողությունների «գլխավոր շտաբը»: Նրա սեղանի վրա գրեթե միշտ փռված էին ռազմական քարտեզները, որոնց վրա նա կողմնորոշվում էր ավելի լավ, քան ցանկացած ճակատային: Նա պահանջում էր իրեն ներկայացնել հաղորդագրություններ ռազմական գործողությունների բոլոր մանրուքների մասին: Նա ամեն օր ուղարկում էր տասնյակ հեռագրեր, հրավիրում էր ղանադան հանձնաժողովներ և խորհրդակցություններ՝ այս կամ այն հարցը լուծելու համար: Հեռախոսի մոտ նստում էր մի քանի ժամ շարունակ, խոսելով Խարկովի, Պիտերի և այլ կենտրոնների ու ռազմաճակատների հետ¹: Այսպիսին է եղել Լենինի ամեն մի աշխատանքային օրը ամբողջ քաղաքացիական կռիվների տարիներին: Եվ այդ ամենը տվեց իր համաշխարհային պատմական մեծագույն նշանակություն ունեցող արդյունքը: Սովետական ժողովուրդը, Կոմունիստական պարտիայի և նրա մեծահանձար առաջնորդ Վ. Ի. Լենինի գլխավորությամբ, հաղթանակով դուրս գալով քաղաքացիական կռիվներից, ապահովեց մեր երկրի ազատությունն ու անկախությունը, ամրապնդեց աշխարհում հաղթանակած առաջին սոցիալիստական ռևոլյուցիայի նվաճումները և հնարավորություն տվեց ՍՍՌՄ ժողովուրդներին՝ ձեռնամուխ լինելու խաղաղ սոցիալիստական ստեղծագործ աշխատանքի:

¹ Տե՛ս «Ильич на стройке советского аппарата», Воспоминания, изд. «Старый Большевик», էջ 43—44:

ПАРТИЯ БОЛЬШЕВИКОВ ВО ГЛАВЕ С В. И. ЛЕНИНЫМ— ОРГАНИЗАТОР ПОБЕД В ГРАЖДАНСКОЙ ВОЙНЕ

З. Т. ГРИГОРЯН

(Р е з ю м е)

Вдохновителем и организатором гражданской войны 1918—1920 гг. был международный империализм во главе с империалистами Англии, Франции, США и Японии. Они вооружили и подняли против советской республики внутреннюю контрреволюцию, направили против Советской страны свои армии для удушения власти рабочих и крестьян. В. И. Ленин, анализируя весь ход гражданской войны, показал, что эту войну «нам Антанта навязала»¹.

Решающей силой, которая в огне и пламени гражданской войны разгромила внутреннего и внешнего врага и обеспечила свободу и независимость Советской страны, была Красная Армия, созданная партией большевиков, во главе с В. И. Лениным. Велика роль Ленина как в деле создания Красной Армии, так и в разработке вопросов советского военного искусства и его научного обоснования.

В деле победы советского народа в гражданской войне решающее значение имело мудрое руководство Центрального Комитета Коммунистической партии во главе с В. И. Лениным, который, учитывая внутреннее и международное положение страны, соотношение сил и классовую борьбу, вовремя предугадывал военно-политические и стратегические планы врага, точно определял направление его главного удара и в соответствии с этим мобилизовал и направлял все силы советского народа и Красной Армии на решающие фронты для разгрома врага.

В разгроме внутренней и внешней контрреволюции важное значение имела мудрая ленинская национальная политика партии большевиков, в результате которой все народы нашей страны тесно сплотились вокруг Коммунистической партии и по ее зову поднялись на защиту своей советской Родины. Как результат этой политики, в статье приводятся примеры боевого содружества между русским и армянским народами.

Таким образом, в годы гражданской войны ленинский Центральный Комитет был не только политическим, но и военным штабом нашей страны, и все славные победы советского народа, одержанные над внутренней и внешней контрреволюцией, непосредственно связаны с деятельностью партии большевиков и ее великого вождя В. И. Ленина.

¹ В. И. Ленин, соч., т. 30, стр. 416.